

#### Locutio Dei Ad Cor Religiosi

### Pawłowski, Daniel Leodii, 1701

Secundo Die.

Nutzungsbedingungen

urn:nbn:de:hbz:466:1-59541

Collequium: Ergone, mi JESU, non serviam tibi, qui non solum in tot creaturis, sed etiam in tua persona, & in pretiosissima Parente tua deservivisti, & deservis mihi? O! si est vel unica in me substantiæ particula, quæ non tendit in obsequium, laudem & amorem tui, erue illam! malo totus non esse, quàm non totus servire, laudare, & amare te. In sine, Pater, Ave, & Anima Christi, &c.



### DIES SECUNDA

Verbo Incarnato consecranda.

Oratio jaculatoria hujus diei erit ista: Domine, etsi ego commissi, unde me damnare potes; tu non amissti, unde salvare soles.

Ex S. Aug. Medit. tap. 39.

### MEDITATIO I.

De formidanda gravitate & mensura peccatorum mortalium.

Considerationem istam suadet S. P. N. Medit. 1. Hebd 1. punct. 3. Memoria

versandum erit, quanta sit peceati gravitas Er malitia, Deum omnium conditorem, ut és. Dominum offendentis. Et paulò superiùs: exerceamur circa peccatum mortale, & particulare quodlibet. & considerando, quod peccato tali, vel semel duntaxat commisso, fortè detrusi sint multi ad infernum, aternumés damnati.

ORATIO PRÆPARATORIA, & PRÆLUDIUM I. ut suprà.

PRÆLUDIUM II. Pete à Deo gratiam, concipiendi horrorem peccati mortalis.

DUNCTUM I. Audidicentem Deum, 1 Scito, & vide, quia malum & amarum est, reliquisse te Dominum tuum, Jerem. 2, Hoc audiens, considera 1. tam malum esse peccatum mortale, sicut bonus est Deus, utpote oppositum directe Deo, destructivum & annihilativum Dei ( quantum in illo est ) crucifixiyum Christi, & omnium possibilium creaturarum annullativum, audebisne ergo, Religiose, peccatis tuis aliquando moliri interitum Deo tuo? audebisne conari crucifigere Christum, Latusque ejus cruentis manibus scrutari? 2. adeò amarum, & damnosum esse peccatum mortale, ut in eo nihil pro gloria coelesti possis mereri, nec pro eo ulla creatura ad æqualitatem satisfacere possit, etiamsi tormenta inferni subeat: tam damnosum esse, ut totà æternitate pro

eo momento, in quo peccasti, sis suturus odibilis Deo; ut spoliet omnibus meritis, faciatque captivum diaboli, & ponat hominem in metu damnationis per totam vitam, seclusa speciali revelatione de obtenta venia. Inser ergo, quomodo horrere debeas peccatum morta-

le, & propone.

II. Audi Christum Dominum dicentein, Matt. 23. Implete mensuram Patrum vestrorum. Hoc certe est, ad quod tinniant ambæ aures tuæ, Religiose, & contabescat cor tuum, quia ex abyssalibus Dei judiciis, singuli homines secundum mensuram, & plenitudinem peccatorum suorum consummantur, & tamdiu, ut convertantur, sustinentur, quamdiu suorum peccatorum cumulum non habuerint consummatum. Si semel peccaveris mortaliter, nescis, an non hanc mensuram, & hunc cumulum complebis. Nunquid enim innumeri pro unico mortali sunt damnati? Vide igitur, quam horrere & cavere debeas peccatum, nec abuti patientia Dei, te hactenus tolerantis.

III. Audi Christum Dominum dicentem Joan. 3. Spirium, ubi vult, spirat, Grvocem ejus audis, sed nessis, unde veniat, aut quò vadat. Nescis, Religiose, quando, & quò auferetur Spiritus gratiarum esticacium, specialiumque favorum DEI: & horum enim apud Deum menfura est: sit hoc, ut ab aliquibus auseratur regnum Dei, id est gratia vocationis, & detur aliis; completur autem hæc mensura interdum in poenam peccati mortalis alicujus commissi, interdum per alias ingratitudines. Hinc infer, quam gratus esse Deo debeas! quam cautus in omnibus! quam observans omnis religiositatis! & propone.

Colloquium: Tolerâsti me Domine hactenus, tolerâsti! sprevi Te, conculcavi Te! crucisixi Te! vidisti, sensisti, tacuisti! Ergóne abutar miser tam longâ patientiâ tuâ! Ideóne Tu bonus, ut ego sim malus? O amor infinite, quomodo amplius deseram Te? Si vides me aliquando peccaturum, sac, ut pro illo momento à Dæmone insidear, aut pœnas inferni patiar, donec pertranseat momentum, quo peccaturus cram. In sine dices Pater, & Ave, &c.

: 紫紫紫紫紫紫紫紫紫紫紫紫紫紫紫紫;

# DOCTRINA PRACTICA Tempore matutino diei fecundæ relegenda.

De Causis ruina Religiosorum.

E A est mundi hujus volubilitas, tantumque vitæ nostræ mortalis insortunium, ut etiam ii, qui Deo serviunt, interdum non sint stabiles, & in Angelis suis Deus reperiat pravitatem, candidique Nazarzi super carbones denigrescant, & qui vescebantur in croceis, amplexentur stercora, & qui stabant, aut stare videbantur, miserrime corruant. Quo infortunio, ne & tu, Religiose, involvaris, pervide in his exercitiis causas miserabilium ruinarum in Religionibus, & ex Religionibus, ut

iis perspectis easdem devites.

Prima igitur ruinæ Religiosorum, in Religionibus, & ex Religionibus, causa est, quam adumbravit Christus In adificata Domo super arenam sine fundamento. cujus ruina facta est magna; postquam descendit pluvia, venerunt flumina, & flaverunt venti, Matt. 7 6 Causa, inquam, ruinæ est, non jactum aut non bene jactum in Novitiatu Religiositatis fundamentum; non radicatus horror omnis peccati, præsertim mortalis; non penitus abstractus à sæcularibus desideriis animus; non inducta mortificationis internæ, externæque aviditas, seu fames & sitis crucis; non impressa cordi rationes æternæ; non stabilita rerum spiritualium æstimatio; sub exteriori solùm modestiola, tanquam sub cineribus dolosis, mundani conservati igniculi, & propter metum, perpetuamque tot superiorum vigilantiam, protractum utcunque tyrocinium, ex quo vix pedem miser religiosus extulit, & ecce Diei secunda

idem, qui fuit ante ingressum religionis, comparet, interdumque pejor;
hinc sensim sine sensu deterioratur, sæcularescit, ineptus Religioni redditur,
ac corruit: Si coram Deo, Religiose,
judicas, te non solidum in Novitiatu
posuisse fundamentum, nec in petra
ædisicasse, sed super arenam, adhuc
corrigere datur; optimè enim nôsti,
quid à te requirat Deus, quid conscientia, quid Religio, quid institutum, quid

inspirationes DEI.

Altera ruinæ Religiosorum causa est, quam Christus objecit Angelo seu Episcopo Ephesinæ Ecclesiæ dicens, Apoc. 2. Habeo adversum te, quòd charitatem tuam primam reliquisti. Causa ergo est, recessus à primo Novitiatûs fervore, seu intepescentia, principaliter ex malo & infructuoso usu Orationis ac Meditationis orta, dum ad eam præparatio, aut non instituitur, aut misere instituitur, dum non suo tempore peragitur, decurtatur, tandemque etiam omittitur. Sic dum in Meditatione non exardescit ignis, noxiè tepescit animus, tædium fastidiumque rerum spiritualium introducitur, vita ipsa religiosa desipit, ad ultimum tepóris gradum devenitur, & ruina subsequitur; tepidorum enim, tam medicina quam pœna, non est, nisi gravis ruina. Cave igitur, Religiose, causam hanc ruinæ, atque ita obfirma

animum, prout obsirmaverat Princeps Theologorum nostrorum, P. Franciscus Suarez, qui dicere solebat, se malle totam scientiam suam, tot annis quæsitam, perdere, quàm horam unam orandi, consuetam in Societate, intermittere, ut perhibetur in vita ipsius, præsixa

Tomo de Gratia.

Tertia ruinæ Religiosorum causa, est præcedentiproxima, & ex ea profluens, quam exprobravit, licet in graviori materia, Jacob Patriarcha filio suo Ruben Ged. 49. Effusus es sicut aqua, non crescas. Effusio nempe ad exteriora, & captatio ultronea distractionum, conversationum, solius tædii vitandi causa, ingerendo se in negotia non necessaria, spontance & non ex obedientia: per talem ad exteriora effusionem dissipatur Spiritus, interna negliguntur, in via Dei non sumitur incrementum, nec proficitur, sed tandem deficitur & peritur, atque in ruinam itur. In quæ mala ne devolvaris, Religiose, attende tibi & Religiositati: est, quod agas circa animam tuam! Æternitatis negotia habes; age quod est muneris officiique tui: cætera Deus non requirit à te. Si cogeris ad exteriores occupationes, commoda te illis, non dona, idque ex parte solum, & non totum; tecum autem intus habita, cubiculum ama, &. amabit te amator solitudinis JESUS.

Quarta ruinæ Religiosorum causa est fimilis illi, ob quam corruit Lucifer, nimirum appetitus excellentiæ propriæ, defectusque humilitatis, ex quo oritur æstimatio sui ipsius fuga omnis contemptûs & neglectûs; jactatio nobilitatis, doctrinæ, aliorumque talentorum; desiderium & procuratio eminentiæ, prælationisque supra alios, officiorum honoratiorum, mansionis commodioris; indignatio, dum alii præferuntur, muneribus speciosis applicantur, vel ad res magnas gerendas, ad altiora docenda, &c. indignatio quoque ob non habitum sui respectum ob labores suos, &c. Ex indignatione oritur amaritudo animi, & insipida vita in religione, & tandem ejusdem desertio. Ob talem excellentiæ propriæ appetitum corruit olim in Provincia nostra, circa 1630. quidam, qui cum coram Generali Exercituum Duce Konieckpo-Iski concionatus effet, hanc ab eo laudem tulit : Egregius effet Pralatus, si Religioni non effet obligatus: hoc encomio audito. Societatem deserere decrevit, allegans inopiam parentum, ad quam sublevandam jure natura teneretur. Collegium Cracoviense in eorum su-Rentationem sexcentos florenos obtulit: sed ille reperit alium prætextum, asserens, se ante ingressum Socieratis fuisse Monachum, arque ita dimiffus, rectà

Doctrina practica.

Barum ad Koniecpolski Ducem discessit: ad quem non admissus, id solum responsi tulit, se Patrem N. N. Jesuitam nôsse, & illum amare; alterum verò non nôsse. Sie misere deceptus; ab Episcopo Caminiecensi Piaseki aliquod exiguum Beneficium impetravit; deinde P. Rectorem Caminiecensem adiit. usurusejus opera in iterata admissione ad Societatem; re tantisper dilata in desperationem incidit, & quadam die, dimisso à se famulo, cultrum arripuit, decemque ictibus cum pectus fauciafset, animam efflavit, extra locum sacrum sepultus, qui terram Sanctam, Societatem, Prælaturæ causa deseruerat.

Quinta ruinæ Religiosorum causa est, quam exprimit Deus Osea 7, Comederunt alieni rebur ejus, & ipfe nescivit : nimis libera & incauta conversatio cum sæcularibus; de fide enim est, cum sancto sanctum fieri, cum perverso perverti: ergo & cum fæculari incauté conversantem, sæcularem sieri, certum est. Et quidem interdum ad hanc conversationem deveniunt Religiosi ex tædio solitudinis & silentii, interdum autem ex occasione bona, ratione Missionum, Confessionum, eleemosynarum, sed paulatim contrahitur confidentia, liberior agendi modus, communicatio secretorum, litteræ occultæ, & tandem ruina.

38 Diei prima

Quid tibi, Religiose, cum sæcularibus, qui socius factus es Angelorum?

Sexta ruinæ Religiosorum, præsertim in & ex nostra Societate, causa est, ut alia omittam, fortis persuasio, quâ putat Religiosus, se posse salvari extra Religionem in sæculo, & quidem ibi se utiliorem fore Ecclesiæ DEI, quam in Religione, aut ad minimum æquè utilem. Hæc est deceptio & captivatio oculorum diabolica: potes salvari in sæculo, sed non salvaberis, propter præcisum Prædestinationis filum. Quis tu es, qui vis, ut Deus se tibi accommodet circa vitæ statum, & non tu Deo? putas, te fore utilem Ecclesiæ Dei, & tu radicem omnis boni, voluntatem Dei, deseris. Purasne lusisse tecum Deum, dum te ad Religionem vocavit? putas quoque tibi collusurum Deum, & ad inconstantiam tuam mutaturum seriem prædestinationis suæ circa te? Nulli benè cecidit alea hæc: sta igitur in gradu tuo, & non corrues.



### : 教教教教教教教教教教教教教教教教教教教

### DIEI SECUNDÆ MEDITATIO II.

De odibilitate peccati venialis.

Facit illius mentionem S. P. N. Hebd.

2. die 5. de tribus gradibus Humilitatis, dicens: tali illud odio haberi debere, ut nullà vel humana quantacunque felicitatis, vel propria mortis conditione proposità adducar unquam, ut culpam, licèt veniame lem tantum, decernam admittere.

ORATIO PRÆPARATORIA, &
PRÆLUDIUM I. ut suprà

PRÆLUD. II. Pete à Deo gratiam, salutisere penetrandi odibilitatem peccati venialis, illudque vitandi.

PUNCTUM I. Audidicentem Deum, Levit. 11 Sanctiestote, quia ego sanctus sum, & considera, quòd, sicut impossibile est, ut sanctitas DEI compatiatur ullam inordinationem, etiam levissimam, ita impossibile sit, ut in nobis Deus toleret adprobative ullam inordinationem venialiter peccaminosam. Si (quod sieri non potest) in Humanitate Christi, aut in Matre ejus, aut in aliquo ex Sanctis jam glorioso, vel unicum peccatum veniale compareret, ita illud non toleraret,

ut statim unio Hypostatica inter Humanitatem & personam Verbi dissolveretur, statimque Virgo Maria, aut
Sanctus ille gloria cælesti privaretur;
ita est odibile coram Deo peccatum veniale, ut illud non sit admittendum,
etiam si ex admissione illius salus totius
mundi sequeretur, & etiamsi omnes
damnati in Sanctos converti deberent.
Vide ergo, quanto odio illud habere,
quanta solicitudine cavere debeas.

II. Audi Deum dicentem: Si Pater ego sum, ubi est amor meus? Tudica tu ipse, si quis filius ita diceret: Reverâ diligo Patrem, sed tamen citra vulnera mortifera & mortem, quid ei molestiarum ac injuriarum inferre potero, faciam omnia sine respectu liberrime. Quid putas? amarétne Filius iste Patrem? quid putas? an non cruentaretur cor paternum resolutione tam audaci Filii? essétue Filius, & non potius sceleratus lurco? Talis es & tu, Religiose, dum venialiter, plenè deliberate, offendis, aut paratus es offendere Deum. Scis ex Apostolo, quòd peccato mortali rursus crucifigatur Christus: proinde per peccatum veniale quodammodo conspuitur, & injuriis afficitur. Istane non te moveant? Silex es, si non moveris ad vitandum peccatum veniale.

dica spernit, paulatim decidet, Eccl. 19. Sicut

per frequens stillicidium, & madefactionem tignorum domûs, non statim corruit domus, sed disponitur, ut tandem corruat; & ficut morbi non faciunt quidem statim mori hominem, disponunt tamen, ut moriatur, ita peccata venialia non inferunt quidem mortem animæ & damnationem, disponunt tamen ad illam, partim, quia diminuunt fervorem charitatis, quo diminuto redditur homo minus potens ad resistendum tentationibus; partim, quia impediunt gratias actuales, redduntque hominem indignum gratiis efficacibus ad resistendum tentationibus, & sic homo voluntate sua ruet in præceps. Et non fugies tanta pericula, ex peccatis venialibus oriri folita?

Colloquium: Ideone, mi DEUS, committam aliquid contra te, quia est leve? immò verò propter hoc ipsum non committam, quia est leve, sed vincam me facilius ob levitatem ipsam. Ero cum gratia tua in minimo fidelis, ut merear fidelis esse & in maximo. O! DEUS meus, aufer de corde meo omnes nævos! O Sanguis Christi mei, ab omni etiam levissima macula ablue me! &c. In fine Pater, Ave, & Anima

Christi, &cc.





# HORA CONSIDERATIONIS,

Tempore pomeridiano, diei secundæ.

De horrore peccatorum venialium.

M Agnus Dei servus David, hac sibi proposità quæstione: Cur iimebo in die mala? sic responder: Iniquitas calcanei mei circumdabit me. Quid per istam calcanei iniquitatem intelligatur, per sententias interpretum non eo, sequorque sensum eorum, qui peccara venialia intelligunt, quæ ordinarie ab hominibus pulveris instar habentur, contemnuntur, calcaneo teruntur: his igitur se circumdari timet Propheta, eademque. timenda sunt aliis Dei servis, facile enim ab iis datur progressus ad mortalia. Hinc Sanctæ Therefix oftenfus fuit à DEO locus in inferno, in quem incidisser, si quædam peccata venialia non vitasset, ut ipsamet scribit in vitasua cap. 32. Modiautem comparandi san-Aum timorem, horroremque horum peccatorum, possunt esse isti:

Primò, elicere frequenter actum

amoris Dei super omnia: qui actus non solum id habet, quod, dum est supernaturalis, deleat peccata, tam venialia quam mortalia; sed etiam continet virtualiter horrorem, detestationemque omnis peccati venialis; nam hoc ipfo quia est super omnia, est etiam supra illud bonum, quod quærit, qui venialiter peccat: nemo enim intendens ad malum operatur. Occasiones autem eliciendi actum amoris divini, ô quot habet Religiosus per diem! quisilsum prohibet, fingulis horis ad pulsum horologii, fimul cum salutatione Angelica, actum amoris Dei elicere, verbis vel folâ mente? In singulis deinde conscientiæ examinibus, Sacri auditionibus vel celebra. tionibus, orationibus vocalibus, & temporibus, quibus nulla alia urget occupatio, &c. ô quantæ dantur opportunitates eliciendi actum hunc, & diguissimum, utilissimum!

Secundo: In singulis præparationibus ad Confessionem Sacramentalem, & in quotidianis examinibus, vel etiam Meditationibus, obsirmare animum contra peccatum veniale, per protestationem, resolutionemque, resolutioni S. Anselmi persimilem, in hunc modum: Domine, si ex una parte reclusas inferni fauces, ex altera parte peccatum veniale, scienter de plenè deliberatè committendum, pra oculis haberem: mallem in infernum ruere, quam scien-

ter & plene deliberate, venialiter peccare. Et hæc resolutio non est meri affectus, & per modum alicujus piæ supererogationis, qualis fuit illa S. Augustini, ut scribit Ribadeneira in vita ejus: Domine, valde exultat anima mêa, quòd tu sis DEUS; verum si per impossibile fieri posset, ut Augustinus esset DEUS, & tu Augustinus, omnind vellem esse Augustinus, ut tu esses Deus, Non est, inquam, resolutio contra peccatum veniale supererogatoria & meri affectûs; sed exlæquitatis & omnimodi debiti, comparando en merè poenam infernalem, tum quia peccatum veniale est difforme naturæ intellectuali, & est offensa Dei; poena autem, ut poena, non est offensiva Dei, nec est difformis, sed conformis; tum quia peccatum veniale interdum sola materiæ quantitate, vel qualitate differt à mortali peccato, proindeque affinitatem habet cum illo veluti intrinsecam; nullam autem ejusmodi affinitatem, etiam cum peccato veniali, habet poena, ut poena.

Eadem resolutio ita inhæserat cordi aliquorum Dei servorum, ut cum auxilio Dei obstrinxerint se voto speciali, ad non committendum unquam peccatum veniale, scienter & plenè deliberatè: Bibliotheca Scriptorum Societatis nostræ perhibet de Patre Ludovico de Ponte, quòd is viginti ante mortem annis votum hoc nuncupaverit, & feliciter Deo adjuvante impleverit, sanctè mortuus 1624. 17. Febr. Corpus illius, in quo Angelica habitavit anima, post mortem Angeli stipare visi. Ibidem refertur de B. Jacobo Alvarez de Paz cujus Ascetica scripta præ oculis habemus, utinam & præ animis! Eum 26. ante mortem annis, fimili voto non committendi plene scienter ullum peccatum veniale, obstrictum, obligationi huic cum divina ope satisfecisse; unde non immeritò eundem, die quodam celebrantem, Christus Dominus amplexari visus, corpusque ejus incorruptum post mortem mansit, & ex eo liquor balsamo non absimilis promanat, attestans, eum fuisse bonum odorem Christi. Non possum & tertii non meminisse, cujus præclaram mentionem, non tam ad imitandum, quam ad confundendos tepidos, ferventioribus autem admovendum calcar, facit P. Eusebius Nierembergius Veta Divina cap. 13. Fuit is P. Jacobus de Saura, qui divino amore laucius votum (quod mox referam) concepit, cumque illud cordi suo impressum optaret, ex speciali instinctu Dei pectus sibi ipsi à superiore cordis parte aperuit, proprioque sanguine votum scripsit, & nomine subscripto firmavit : vulnus illud adeò altè in corpus descenderat, ut cor ipsum penetrasse

ir.

P

CL

ta

p

po

ar

N

fi

di

tl

n

ac

lu

fi

fi

ti

V

ha fa

q V

in

de

videretur, prout post mortem relicta inibi cicatrix testabatur. Votum hoc tale fuit : Amore Sanctissima Trinitatis, 7 E. SU, MARIE, & Sanctorum omnium, voveo, quòd ad maximam perfectionem velim conniti: nôsti, mi Deus! desiderium meum, & quomo do moriar pra amore, quem habeo, tibi purissimo cum affectu serviendi. O DEVS meus, & amor meus! suscipe me in servum tuum, & meam mihi negligentiam benignus remitte. Voveo item, quod niti velim ad Angelicam puritatem; quod ad rem nullam afficiar, nisi ad te, & propter te; neque alind amabo, nisi te Deum meum; quòd in rebus omnibus, ubi peccatum non cernitur, obtemperabo Superioribus meis, omnemý, illorum voluntatem affectu, & perfectione, qua potero, exequar; quòd, quidquid faciam, dicam, cogitabo, desiderabo, id omne futurum sit amore Sanctissima Trinitatis, & Domini mei IESV, ac Domina mea Maria, S. Iosephi; S. Patris mei ignatii, & Curia coelestis universa; quod regulas meas servabo, neque deliberate peccatum etiam minimum, aut imperfectionem ullam committam; quòd cum gratia DEI mei conabor esse in continuo actu, exercitiog amoris, conformitatis, resignationis, & desiderii, eidem DEO meo placendi, & quòd omniloco ac tempore, in DEI prasentia ambularestudebo

Votum hoc non ideo adduco, ut ejus nuncupationem cuipiam persuadeam; nuncupare enim illud fine speciali Dei

Hora Considerationis. instinctu, & consilio Patris Spiritualis, periculosum est, & si violetur, constituit specialem malitiam, intra sphæram tamen peccati venialis, si venialiter peccetur: sed ideo adduco, ut saltem per firma proposita Religiosus obsirmer animum ad non peccandum venialiter. Non video præterea periculum in hoc, fi Religiosus hîc & nunc, ad non peccandum venialiter, obliget se voto, duraturo solum pro una vice, e. g. si hic & nunc per quadrantem voveat, se non admissurum distractionem plene voluntariam in meditatione, & sic de aliis: sic enim paulatim disponer animam fuam ad uberiorem Spiritûs Sancti gratiam, non patietur namque Deus se vinci liberalitate à creatura, votaque hæc particularia promovebit ad univerfale votum non peccandi venialiter: quod, quid est aliud, quam inchoatio vitæ cælestis, & quædam confirmatio in gratia. O vita Sancta! utinam ita detur vivere, & placere dignissimo DEO!



-0550- -0550- -0550- -0550- -0550- -0550-

## DIEI SECUNDÆ MEDITATIO III.

De punitis & puniri solitis à DEO peccatis.

Integrum ea de rebus habet S. P. N. Exercitium primum Hebdomadæ primæ, in quo explicat peccatum Angelorum, primorum Parentum, & quodlibet particulare.

ORATIO PRÆPARATORIA, &

PRÆLUDIUM I. ut suprà.

PRÆLUDIUM II. Pete à Deo gratiam sancti timoris, & horroris peccatorum.

PUNCTUM I. Audi Deum dicentem: Ezech. s. Complebo furorem meum, en requiescere faciam indignationem meam in eis. Hoc audiens considera indignationem Domini, & ultionem super Luciferum, ob unum peccatum superbiæ, ob quod corruit semel pro semper, tota Divinitatis dextera percussus, & rudentibus inserni detractus. Considera quoque poenam primorum Parentum, ob esum unius pomi, occasione cujus impletur hucusque hominibus infernus: poenam Caini, ob unum fratricidium

49

in reprobum sensum dati, & tandem damnati: pœnam Saul Regis, ob abjectum sermonem Domini à Domino abjecti. Ingredere præterea infernum cogitatione, & videbis ibi innumeros, propter unicum peccatum æternům damnatos: & non disces alieno malo timere? Etiamsi non in Religione solům, sed in cœlo cum Lucifero esses, time, nec contemnendas putes etiam minimas Paradisi tui, id est Religionis tuæ, prohibitiones, etiam circa esum

unius pomi.

II. Audi Deum dicentem, Isaie s. Va! qui trahitis iniquitatem in funiculis vanitatis, & quasi vinculum plaustri peccatum. Hoc est væ horrendum, seu formidanda poena, quâ puniuntur peccatores, vinculum seu colligatio impietatis, quando nimirum propter unum peccatum juste permittuntur prolabi in aliud, & rurius propter hoc in aliud, donec perveniatur ad ultimam ruinam, & fiat peccatum eorum peccans peccatum: quia enim semel peccarunt, reddiderunt se indignos speciali auxilio ad vitandum aliud peccatum, atque sola sufficienti gratia supernaturali instructi, illam ipsam inessicacem reddiderunt, miseramque iniquitatis colligationem effecerunt, usque ad compedes & catenas inferni. Hoc altè in cor demisso, procide coram Deo, & per viscera misericordiæ ejus

Diei secunda

pete, ne te puniat pœnâ permissionis peccati, elige potius pœnam inferna-

lem, quam hanc permissionem.

TII. Audi Deum dicentem. Isaia 6.

Excaca cor populi hujus, & aures ejus aggrava. Hæc est maxima & ultima pæna,
quâ in hac vita puniuntur peccatores,
Excæcatio, derelictio, ultima impœnitentia, dum per iterata liberè peccata merentur privari ultima gratia essicaci ad pænitendum. O pænam, ad
quam omnia omnium creaturarum corda immutentur! nonne immutaberis &
tu, Religiose?

Colloquium. Scio Domine JESU; quòd nolis mortem peccatoris! per eam ergo mortem, quam pro peccatoribus misericordissime subissiti, peto à te, ne punias me permissione peccati, & excocatione cordis! Pretiosissima Dei Mater Maria, quæ peccatores non abhorres, avette à me infelicitatem istamil potius moriar, potius inferno ardeam, quam ut peccem! In sine Pater, &

Ave, &c.

